



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«28» փետրվարի 2019 թ.

No 11-4/1234-2019

«ԵՎՐՈ ՊՈԼԻԳՐԱՖ» ՓԲԸ-Ի (ՀՎՀՀ 00930343)
ՏՆՕՐԵՆ ՊԱՐՈՆ ՄԻՔԱՅԵԼ
ԱԴԻԼԽԱՆՅԱՆԻՆ
ՀԱՍՑԵ՝ Ք. ԵՐԵՎԱՆ, ԹՈՒՄԱՆՅԱՆ 1 ԱՆՑՂ.
13-40

Հարգելի պարոն Ադիլխանյան

Հայտնում ենք, որ 13.12.2018 թվականին ՀՀ պետական եկամուտների կոմիտեի և «ԵՎՐՈ ՊՈԼԻԳՐԱՖ» ՓԲԸ-ի (ՀՎՀՀ 00930343, հասցե՝ ք. Երևան, Վ. Փափազյան փ. 29 շ. 70 բն., պետական գրանցման համար՝ 273.120.04352) միջև կնքվել է պարտավորությունների աստիճանական մարման ժամանակացույց՝ 4.213.299 դրամի չափով, 9 ամիս ժամկետով: Ի ապահովումն «ԵՎՐՈ ՊՈԼԻԳՐԱՖ» ՓԲԸ-ի ժամանակացույցով նախատեսված պարտավորությունների կատարման՝ ՀՀ պետական եկամուտների կոմիտեի, «ԵՎՐՈ ՊՈԼԻԳՐԱՖ» ՓԲԸ-ի տնօրեն Միքայել Ադիլխանյանի և «ՀԵՅԴԵԼԲԵՐԳ-ԵՐԵՎԱՆ» ՍՊԸ-ի տնօրեն Միքայել Ադիլխանյանի միջև կնքվել է շարժական գույքի գրավի պայմանագիր, համաձայն որի գրավադրվել է 11.990.000 դրամ շուկայական արժեքով շարժական գույք: Ժամանակացույցով վճարման առաջին ամիս է սահմանվել 2018 թվականի դեկտեմբեր ամիսը: Հարկ վճարողի կողմից ժամանակացույցով սահմանված հունվար ամսվա համար նախատեսված վճարումը չի կատարվել և ժամանակացույցը խախտվել է:

ՀՀ հարկային օրենսգրքի 437-րդ հոդվածի 12.1-ին մասի համաձայն՝ հարկ վճարողի կողմից պարտավորությունների աստիճանական մարման ժամանակացույցով սահմանված ժամկետում գրավով ապահովված հարկային պարտավորությունների կատարման առաջին իսկ խախտման դեպքում հարկային մարմինը խախտման օրվանից հետո՝ 10

աշխատանքային օրվա ընթացքում, հարկ վճարողին և գրավատուին ներկայացնում է գրավոր պահանջ՝ գրավով ապահովված հարկային պարտավորությունների կատարման համար:

Նույն օրենսգրքի 437-րդ հոդվածի 12.2-րդ մասի համաձայն՝ հարկ վճարողի կողմից գրավով ապահովված՝ չկատարված հարկային պարտավորությունները ենթակա են կատարման այդպիսի պահանջը հարկային մարմնից ստանալուց հետո՝ երեք աշխատանքային օրվա ընթացքում:

Միաժամանակ հայտնում ենք, որ նույն օրենսգրքի 437-րդ հոդվածի 13-րդ կետի համաձայն՝ հարկ վճարողի կողմից սույն հոդվածի 12.2-րդ մասում նշված ժամկետում իր պարտավորությունների չկատարման կամ մասնակի կատարման դեպքում հարկային մարմնի այդ պահանջը սահմանող փաստաթուղթը համարվում է անբողոքարկելի վարչական ակտ, որից հետո հարկային մարմինը գրավի պայմանագիր կնքած անձի նկատմամբ կարող է կիրառել անբողոքարկելի վարչական ակտերի համար Օրենսգրքով նախատեսված հարկային պարտավորությունների հարկադիր կատարման ընթացակարգերը:

Վերոգրյալը հաշվի առնելով սույնով առաջարկում ենք Ձեզ կատարել 13.12.2018 թվականին կնքված ժամանակացույցով նախատեսված վճարումները:

ՀԱՐԳԱՆՔՈՎ՝

 Recoverable Signature



VERIFIED OCSP:28.02.2019 22:17:54 GMT+4

Signed by: MNATSAKANYAN ARMAN 2012760074

ԻՐԱՎԱԲԱՆԱԿԱՆ

ՎԱՐՉՈՒԹՅԱՆ ՊԵՏ

ԱՐՄԱՆ ՄԱՅԱԿԱՆՅԱՆ

Կատարող՝ իրավաբանական վարչության
հարկադիր գանձումների բաժնի գլխավոր
մասնագետ Տաթևիկ Ազիզյան, հեռ. 011 54-91-91 (9168)